

Pli precis: eleger ord gliestas enzatgei che va aprau. Jeu vess bugen fatg ina cruschetta tier „pleiv“. Ei deva denton mo „santeri“. „crematori“, „divers survetschs“ „astrologia“, „leger hartas“ „caussas esotericas“ „Freizeitparks, Jahrmarkt, Zirkus, Wahrsager“ etc.

„Wahrsagen“, gir enzatgei ch’ei ver el senn litteral: quei fuss atgnamein aunc bien. Mo „Wahrsagerei“ („gir si il bor“), ei enzatgei auter. Jeu haiel buca fatg la cruschetta.

Da „baselgia“, ni „pleiv“ buc la tocca, negin fastitg. Denton deva ei leger hartas ed astrologia.

Duei ins rir ni bargir? Jeu sun el mument alla sinoda. Tuts plevons e plevonessas ein ensemen. Ils discuors muossan: Dapertut la medema experientscha. La veglia evidenza da baselgia e svanida.

E perquei eis ei uss indicau la tristezia? Na. Nus havein quest scazi dalla cardientscha, nus fagein l’experientscha, ch’ei severfichescha ella veta dapli che quei che nus ughegin da sperar.

Nus entschevein buca tier nulla. Perquei stimein ault quei cudisch. Denter dus cartuns nua ch’igl ei scret si ina massa sur d’experientschas dil carstgaun.

Cuortas historias, sco carstgauns scargan lur buordi, getgas historias, e.g. sco fargliuns van entuorn in cun gl’auter. Ch’ei smanatscha dad ir ora mal. Sur biars sviaments va ei tuttina ora en bein. Quei ei la historia da Joseph e ses frars.

Bunamein in roman. Ina biala novella.

Nus entschevein buca tier nulla.

Pervia da quei promovein nus tut ils formats, nua che nus sentupein nus sco carstgauns. Ei sto buca vegnir strienau.

Sche nus vegnin ensemen, essan nus incantai da sesez.
Entupar carstgauns ei in gudogn.

Era pervia da quei dat ei l'invitaziun tier il

Priedi communabel a Flond ils 18 d'Uost las 10.15

Ei vegnan ensemen: Glion e nossas quater pleivs da pastoraziun. Quei survetsch divin ei ina sentupada cun occasion per buns discuors. Quei atun envida Flond al survetsch divin ed offerescha igl apero.

Glaube Fede Cretta: ils 12 d'October las 17.00 a Glion

El rom dallas festividades da 500 onns grischun arranscha la baselgia cantunala ina exposiziun cun intervestas. Quella vegn era a Glion.

Alla Vernissage dat ei ina presentaziun digl artist Luca Maurizio en baselgia allas 17.00.

Silsuenter van las preits d'exposiziun culs portrets sin tura ellas baselgias vischinontas.

Termins dalla fiasta d'atun

La fiasta d'atun ha liug tenor nies uorden da baselgia ina dallas dumengias egl october.

Tier la gruppa da confirmaziun da Luven ei uonn era ina confirmanda da Schnaus dalla partida. Aschia vein nus survegniu ina invitaziun culs confirmands giu Schnaus.

Flond, Pitasch, Duvin han ses agens termins per la fiasta d'atun.

Mo igl ei evident che nus havein negins cunfins denter las pleivs. Nua arrivassen nus!

Seigies salidai cordialmein, vies plevon

Alfredo Merkel

uost settember october 2024

ST = Sontga Tscheina

2024	Luven	Flond	Pitasch	Duin
ils 4 d'uost	10.30	9.30	19.00	
sonda ils 10 d'uost			13.30 enzinnada Buchli-Accola	
ils 11 d'uost	9.30	10.30 batten Noel Albin		19.00
ils 18 d'uost	10.15 priedi communabel Flond			
ils 21 d'uost		15.00 ^{Stein-} hauser Zentrum		
ils 25 d'uost	19.00	9.30	11.00	
ils 1 da settember	negin	priedi		
ils 8 da settember	9.30	19.00		11.00
ils 15 da settember gi da rogaziun	10.30	9.30		
ils 22 da settember	9.30	10.30		
ils 29 da settember	negin	priedi		
ils 6 d'october	10.30	9.30	19.00 ST	
ils 12 d'october	avertura d'ina exposiziun „Glaube Fede Cretta“ a Glion Sontga Margarita las 17.00 cun Luca Maurizio			
ils 13 d'october		10.30 ST		9.30 ST
ils 20 d'october	negin	priedi		
27 d'october	10.30 ST a Schnaus. Confirmand- as e confirmand fan cun	9.30		

substitut ils 13.10.-20.10.

plv. Hans-Jakob Riedi 081 925 14 33 ed 079 676 91 69